

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16, 5/18 i 11/19), člana 19. stav 1. tačka 2), člana 21. stav 4. i člana 23. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 86/07, 24/09, 44/10 i 30/16) i člana 9. Zakona o izvršavanju Budžeta Zeničko-dobojskog kantona za 2019. godinu („Službene novine Zeničko-dobojskog kantona“, broj: 3/19), Vlada Zeničko-dobojskog kantona, na 19. sjednici, održanoj dana 30.08.2019. godine, d o n o s i

ODLUKU

o pokretanju procedure dugoročnog kreditnog zaduženja Zeničko-dobojskog kantona u 2019. godini

Član 1.

(Pokretanje procedure dugoročnog kreditnog zaduženja)

Pokreće se procedura dugoročnog kreditnog zaduženja Zeničko-dobojskog kantona u 2019. godini u iznosu do 26.817.950,00 KM (slovima: dvadesetšestmilionaosamstosedamnaesthiljada devetstopedeset i 00/100 konvertibilnih maraka), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi za izradu obavještenja o javnoj nabavci - uslovi kreditnog zaduženja)

(1) Provođenje postupka javne nabavke za izbor najpovoljnije ponude za pružanje usluga dugoročnog kreditnog zaduženja Zeničko-dobojskog kantona u 2019. godini, u svrhu finansiranja budžetskog deficita Kantona vršit će se podjelom na 7 (sedam) lotova, i to:

- a) LOT 1 - iznos glavnice duga – iznos kredita u visini od 10.000.000,00 KM (slovima: desetmiliona KM i 00/100 KM), sa rokom otplate od 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 1.546.497,54 KM,
- b) LOT 2 - iznos glavnice duga – iznos kredita u visini od 6.100.000,00 KM (slovima: šestmilionašeststotinhiljada KM i 00/100 KM), sa rokom otplate od 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 943.363,90 KM,
- c) LOT 3 - iznos glavnice duga – iznos kredita u visini od 4.600.000,00 KM (slovima: četirimilionašeststotinhiljada KM i 00/100 KM), sa rokom otplate od 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 711.388,87 KM,
- d) LOT 4 - iznos glavnice duga – iznos kredita u visini od 3.000.000,00 KM (slovima: trimiliona KM i 00/100 KM), sa rokom otplate od 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 463.949,26 KM,
- e) LOT 5 - iznos glavnice duga – iznos kredita u visini od 1.300.000,00 KM (slovima: miliontristotinehiljada KM i 00/100 KM), sa rokom otplate od 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 201.044,68 KM.
- f) LOT 6 - iznos glavnice duga – iznos kredita u visini od 1.200.000,00 KM (slovima: miliondvijestotinešeststotinhiljada KM i 00/100 KM), sa rokom otplate od 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 185.579,70 KM.
- g) LOT 7 - iznos glavnice duga – iznos kredita u visini od 600.000,00 KM (slovima: šeststotinehiljada KM i 00/100 KM), sa rokom otplate od 48 mjeseci (u koji nije uključen grace period) i sa okvirnom vrijednošću ugovora (ukupnim iznosom kamata sa svim drugim troškovima kredita izraženim u KM za cijeli period otplate kredita) u iznosu do maksimalno 92.789,85 KM.

(2) Pored uslova utvrđenih u stavu (1) ovog člana, provođenje postupka javne nabavke za izbor najpovoljnije ponude za pružanje usluga dugoročnog kreditnog zaduženja Zeničko-dobojskog kantona u 2019. godini, izvršit će se u skladu sa sljedećim uslovima (osnovnim elementima):

- a) grace period: do 30.09.2020. godine (ne uračunat u rok otplate),
- b) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javne nabavke,
- c) sredstvo obezbjeđenja: mjenice (bez hipotekarnog obezbjeđenja),
- d) svrha zaduženja: finansiranje budžetskog deficita Zeničko-dobojskog kantona,
- e) zaduženje se vrši uz poštivanje odredbi člana 7. Zakona o dugu, zaduživanju i garancijama u FBiH i u okviru ograničenja duga koji je uspostavila Skupština Zeničko-dobojskog kantona Budžetom Zeničko-dobojskog kantona za 2019. godinu i Zakonom o izvršavanju Budžeta Zeničko-dobojskog kantona za 2019. godinu,
- f) uvjeti otplate: kvartalna otplata,
- g) mogućnost zajedničkog učešća: dozvoljena,
- h) pretpostavljeni rok povlačenja sredstava: 20.11.2019. godine.

Član 3.

(Provođenje procedure javne nabavke usluga)

(1) Ugovorni organ u postupku javne nabavke za izbor najpovoljnije ponude za pružanje usluga dugoročnog kreditnog zaduženja Zeničko-dobojskog kantona u 2019. godini je Vlada Zeničko-dobojskog kantona, u skladu sa Odlukom o usvajanju Plana javnih nabavki Zeničko-dobojskog kantona u 2019. godini, broj: 02-14-9238/19 od 29.05.2019. godine, broj: 02-14-10942/19 od 04.07.2019. godine i broj: 02-14-11655/19 od 18.07.2019. godine.

(2) Ovlašćuje se Ministar Ministarstva finansija Zeničko-dobojskog kantona da u ime ugovornog organa svojim rješenjem imenuje Komisiju za provođenje postupka javne nabavke dugoročnog kreditnog zaduženja Zeničko-dobojskog kantona u 2019. godini, čiji zadatak će biti provođenje postupka javne nabavke, u skladu sa osnovnim elementima (uvjetima) za izradu obavještenja o javnoj nabavci iz člana 2. ove odluke i Zakonom o javnim nabavkama („Službeni glasnik BiH“, broj: 39/14).

(3) Zadužuju se Ministarstvo finansija Zeničko-dobojskog kantona i Služba za zajedničke poslove Zeničko-dobojskog kantona, da u skladu sa svojim nadležnostima pruže potrebnu stručnu i tehničku pomoć Komisiji za provođenje postupka javne nabavke dugoročnog kreditnog zaduženja Zeničko-dobojskog kantona u 2019. godini.

Član 4.

(Dostavljanje konačne odluke/a o zaduženju)

Zadužuje se Ministarstvo finansija Zeničko-dobojskog kantona da nakon okončane procedure javne nabavke i utvrđivanja konačnih uslova kredita (kamatna stopa, naziv najpovoljnijeg/ih ponuđača, itd.), a prije zaključenja ugovora sa najpovoljnijim ponuđačem/ima, Vladi Kantona dostavi konačan tekst prijedloga odluke/a o zaduženju Zeničko-dobojskog kantona sa svim elementima zaduženja, u skladu sa članom 21. stav 5. Zakona o dugu, zaduživanju i garancijama u Federaciji Bosne i Hercegovine.

Član 5.

(Stupanje na snagu)

Ova odluka stupa na snagu danom donošenja i objavit će se u “Službenim novinama Zeničko-dobojskog kantona.”.

Broj: 02-14-13329/19

Datum, 30.08.2019. godine

Zenica

PREMIJER

Mirza Ganić

DOSTAVLJENO:

1x Ministarstvo finansija,

1x Služba za zajedničke poslove,

1x Skupština Zeničko-dobojskog kantona, na uvid,

1x “Službene novine Zeničko-dobojskog kantona”,

1x a/a.